



## **Aningaasaqarnermut Nunamullu Namminermt Naalackersuisoq**

Ulloq: 8. juli 2015  
J.nr.: 01.31.06/15-00691

### **Aningaasaqarnermut Akileraartarnermullu Ataatsimiititaliap pingasunngornermi ulloq 24. juni 2015-imi aalajangigaa pillugu Naalackersuisunut ilisimatitsineq**

**Nunalerinermut tunngasunut 2015-imi aningaasanut inatsimmi immikkoortinneqartut atugassiissutigineqarnissaat pillugu ilassutitut aningaasaliissuteqarnissamik qinnuteqaat. (Suliaq nr. 01.31.06/15-00691).**

Naalackersuisut **inassutigaaat**:

”Aningaasat kontomi pingaarnermi 20.11.70-mi Suliniutinut nutaanut sillimmatit 6.000.000 kr.-nik ilanngarneqassasut.

Aningaasat kontomi pingaarnermi 50.01.01-mi Aalisarnermut Piniarnermut Naalackersuisoqarfik, allaffissorpeq 500.000 kr.-nik ilaneqassasut.

Aningaasat kontomi pingaarnermi 51.07.40-mi Taarsigassarsiarititat ernialersugaanngitsut akilersuutitaqanngitsullu 2.500.000 kr.-nik ilaneqassasut.

Aningaasat kontomi pingaarnermi 51.07.42-mi Taarsigassarsiat erniallit 3.000.000 kr.-nik ilaneqassasut.”

### **Aningaasaqarnermut Akileraartarnermullu Ataatsimiititaliap oqaaseqaatai**

#### **Nunalerinermut atugassiissuteqarnissaq pillugu**

Suliniutit taaneqartut aningaasalersorneqarnissaannut inatsisikkut tunngavissaq sorleq tunngavigineqassanersoq pillugu paatsuugassaannngitsumik aalajangiinissaq eqqarsaatigalugu ajornartorsiut itisilerneqassasoq ataatsimiititaliamit kissaatigineqarpoq. Ukiumi aningaasaliissuteqarfiusumi 2015-imi suliniutinik aningaasalersuinissaq Nunalerinermik inuussutissarsiornerup siuarsarneqarnissaa pillugu Inatsisartut inatsisaanni inatsisitigut tunngavissaq aqqutigalugu pissappat qinnuteqarsinnaasut 10 %-imik namminneq akiligassaminnik aningaasalersuisinnaanissartik ajornartorsiutigissagaat Aalisarnermut, Piniarnermut Nunalerinermullu Naalackersuisoqarfiup qinnuteqaammut matumunnga ilanngussami paasissutissiissutigaa. Aammattaaq taamatut pisoqartillugu 10 %-imik nammineq aningaasalersuinissaq siuliani taaneqartoq pillugu piumasaqaatip avaqqunneqarnissaanut piginnaatitsissumik pissarsiniartoqartariaqartoq Naalackersuisoqarfimmit paasissutissiissutigineqarpoq. Maanna suliniutit suliniutaalersussallu eqqarsaatigalugit ajornartorsiutip taassuma killiffia pillugu paasissutissinneqarnissaminik ataatsimiititaliap kissaateqarpoq.

### ESU-mik nassuiaat pillugu

ASU-mik nassuiaat aallartinneqartoq Aalisarnermut, Piniarnermut Nunalerinermullu Naalakkersuisoqarfiup qinnuteqaammummat matumunnga ilanngussami paasissutissiissutigaa. Suliamili tamatumani piffissaq atorneqartussa q paasissutissiissutigineqanngilaq. Nassuiaat tamanna qaqugu naammassineqassasoq Naalakkersuisunit naatsorsuutigineqarpa?

### Inuiaqatigiinni aningaasaqarnermik avataaneersut misissueqqissaarnerat

Inuiaqatigiinni aningaasaqarnermut kingunerisassat pillugit avataaneersut misissuinerat 50.01.01-imut missingersuutitut ilanngussa pillugu ilanngussa 2-mi ilanngunneqartumi oqaatigineqarpoq. Aningaasaliissutit ½ mio. kr.-inik qaffassutaata misissueqqissaarneq tamarmiusoq matussusissaneraat aammalu suliaasaq tamanna neqeroorutigineqareersimanersoq imaluunniit tunniunneqareersimanersoq – taamaassimappallu kimut tunniunneqarsimanersoq paasissutissiissutigineqassasut ataatsimiititaliamit kissaatigineqarpoq. Aammattaq misissueqqissaarinerup imarisai erseqqinnerusut, tassunga ilanngullugu suut misissorneqarusunnertut nassuiaatigineqassasoq ataatsimiititaliamit kissaatigineqarpoq.


Apeqqutitut siuliani taaneqartunut allakkatigut akissutit ullut qaangiutinnginnerini nassiuunneqassasut Naalakkersuisut qinnuigineqarput. Oqaatsit marluk atorlugit akissutit assilinerat aamma elektroniskimik uunga nassiuunneqarpoq: [saam@inatsisartut.gl](mailto:saam@inatsisartut.gl).

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Ataatsimiititaliap sinnerlugu

Med venlig hilsen



Jens Immanuelson  
Formand for Finans- og Skatteudvalget

Aningaasaqarnermut Akileraartarnermullu Ataatsimiititaliap siulittaasua